






序




練水盟弟侯玄泓研德

漢槎吳季子。今之賈生終童也。出其餘技為歌詩。才
 名籍甚吳楚間。與予遇于虎阜。抵掌莫逆。遂出詩編
 屬余弁語。予結髮誦詩。自成童時。常與兄弟朋好。跌
 宕江湖。有唱有答。然終不能名一家。十餘年間。存被
 傾覆。群從凋喪。嚮者雕蟲末技。兵燹散亡。而予益頽
 然廢放。漸欲聲華。如溝斷散。以不才求全矣。雖然。
 風雅之原。聲情之本。酒酣狂來。出能為季子言之。夫
 詩之為用者。聲也。聲之所以用者。情也。豳風二南。二
 雅三頌。或出于婦人。小夫。口率志之作。或出于元

臣碩老諷諭賦述之言。詠沃休明。抒寫道德。情盛而
聲自叶焉。遂登樂章。歌薦朝廟。此天下之真聲也。若
夫情曼者其聲嘽。情伉者其聲厲。情危者其聲烈。情
豫者其聲揚。是數者雖詭于和而情之——所激皆足
以鏗鏘律呂。感動鬼神。相鼠之詩其聲率。山樞之詩
其聲迫。且率而伸。尼不剛者為其情真也。真故不
諱其激。有激極而和之勢焉。此亦聲亞也。六季三唐。刻
鏤組繪。南北二宋。披猖率楚。聲情交叶。什無二三。何
大復常謂唐初四子。音節可謔。子美調失流轉。予初
遣之。然究其所撰。明月篇聲浮于情。學者從是矯宋
元之過。相與規步音響。趨摹格調。而天下之情隱者。

亦大復為之戎首也。數十年以來。聲盛者情偽。情真
者聲俗。兩家之說。戛然不入。而其不諧真樂。則同終
亦成其兩傷而已矣。予雖稍有窺見。自愧能知而不
作。悠々塵磕。莫可為尺也。竊願為季子盡之季子以其髻鬣之
歲。嘔江楚。弟沅湘。指衡霍。劍梨相摩。虎龍爭搏。華年
盛氣。掉臂出沒乎其間。故其為人。英朗雋健。忠孝激
發。凡感時恨別。弔古懷賢。流連物色之製。莫不寄趣
哀涼。遺音婉麗。情盛而聲叶。非季子其孰能及之。而
予回首昔時。與兄弟上潯陽。經廬嶽。分曹課句。睥睨
爭雄。銜杯一嘯。江波振起。今日獨與季子談河山之
交。遷數風雲之滅沒。燈炮酒闌。騷屑偃蹇。其能無樂

極而哀來。婆娑而予影乎。雖然。季子伯兄弘人。以其
文章器識。領袖群彥。仲子聞夏。撰述英多。一時屈
與予兄弟交十餘年。猶兄弟也。季子出而玉振之。予
不孤矣。遂書之為其詩序。



春日篇

吳江吳北騫漢槎著



亭臯三月東風吹。匝道烟花豔綠圍。十里紅潮連翠
岸。千重碧樹起珠帷。侯家別墅春如織。芳林繁圃連
雲日。蘭沼輕波泛紫鴛。蕙樓高影巢元。鴛樓陰架江
碧。嗟峨窓戶玲瓏。綺羅日映翡翠帷。銀蒜靜。風微珠
綴。玉鈴和鈴聲隱。花間起。榆錢雪落覆明水。數蝶
任飛香草中。流鶯細轉垂楊裏。參。垂楊滿碧郊遊
絲。百尺亂烟條。陌上繁陰臨玉道。隄邊香霧鎖虹橋。
虹橋一望明于素。朱軒糾纓紛相度。錦障新開灞水

園羊車近出長安路。長安此日正妍華。幾處樓臺映
晚霞。翠鞵香細初調馬。繡袷風輕試問花。綠疇去、
芳埃逐。油幕生光昭平陸。帶織華。薰耀紫珊。鞍裝杏
葉團紅玉。玉鞭時向狹斜行。弱絮繽紛綴道傍。鬪雞
坊裏花初滿。走馬臺邊柳正黃。柳黃花滿相凌亂。由
來此地稱華豔。日算徵歌趙李家。夜來賞酒胡姬館。
十五胡姬不解羞。佻鬟輕倚鈿瑩篋。私結紅羅邀上
客。自矜脂脫整搔頭。年、歲、爭遊冶。挾彈探九室
藻野。南陌方看千騎來。東皇又擲三春謝。三春風日
自陰濃。落盡梨花鎖院中。聞道西園芳草路。羅衣迎
暑送春風。

金陵篇

高皇昔日起西吳。手挾靈旗問獨夫。既向龍沙開絕
漠。遂來虎踞建神都。燕子二潮通海浪。鴻郎萬雉俯
江波。江波去、無窮已。城中宮閣參天起。鳩鵲連延
抗碧臺。鳳皇窈窕窳園玫瑰。隱、長橋水卧虹。沉、華
闕霞含紫。圓井春寒露索高。上林花隱風弦細。蘭綺
鈎陳七寶鞭。深、紫初寫便姍。畫靜烟花金殿香。宵
嚴鐘鼓玉珂寒。七校隊齊仙仗外。群公珮響翠華前。
日麗朱城百萬戶。氣迴皇圖三十戶。文皇為念邊
城苦。欲卧燕山留北鎖。竟從鹿輅策閑中。難仍牛首
稱天府。一自宸旒去紫臺。遂令南內瑣青槐。玉女窓

寒風斷續。景陽鐘歇。月徘徊。銅溝不膩。紅妝粉。金屋
空餘。烏韭苔。轆轤聲斷。曉鴉晚。宮莎含日。春秋早。獸
環深閉。寂難知。鈎瑄。蕭涼無復掃。時見朱櫻薦。寢園
獨看。碧草蕪。馳道。列聖相傳。海內平。侯家甲第起
紅塵。十二重樓。連鳳翼。三千複帳。結鴻約。香車半卷
油幢暖。西閣全傳水調清。舞愛弓腰。碧纒轉。歌殘子
夜玉鈎明。綉戶宵籠。雲母扇。晶盤曉進。月兒羞。既傾
燕尾。臨芳沼。還問挑根。向石城。石城年少。如鷹撇。腰
下吳鈎。凝緝雪。挾妓酣歌。玳瑁樓。揮鞭驕試。金錢埒。
擅槽撥。軟貼龍香。紵弦絲。斷施。寫血。獨來陌上。恣矜
擡。放犬呼鷹。樂未消。醉拭芙蓉。輕一諾。笑擲珊瑚。賭

百曉。絳衫香襲。浮雲靛。紫文光。承明月。刀。明月高。
昭芳甸。秦淮宛轉。澄如練。汀上銀沙。寫露華。堤邊珍
樹。吹花霰。錦纜風迴。榜唱微。蘭橈波細。簫聲轉。簫笳
清吹。滿皇州。夾道芳塵。掩畫樓。睡鴨香濃。初按。笛。鳴
蟬。梳罷學藏鈎。街喧。蘭葉迎珠勒。隊簇桃花。映綠講
球。勒絲馳逐。誰知禍。亂來相促。九逸驚從。代邸來。三
星更向。東山簇。江表雖飛。晉氏龍。中原已失。羸家鹿。
競傳寶雉。集丹陽。南紀欣開。司隸章。酒置新亭。風已
異。荅回舊內。日重光。瑯琊方擬。我衣定。仙人又進。昭
陽識。馬控青絲。自壽春。鴟銜黃紙。沉江乘。聞道哥舒
已棄。闔。枕矜監牧。能行陣。宮門不見。九傳烽。一君王

還狩豆田中。淚盈秋雁開黃帕。艦列晨鳧渡阿童。鄭
政迎銜思敵愾。傷心豈料成青蓋。較戟無聞朱雀航。
負恩竟賣盧龍塞。拂盧罽幕遍京華。一園廟蕭條擁
塞沙。輜輶亂度臺城柳。感篋寒摧上苑花。可憐壞道
哀湍急。墜門夜靜汽蟬裂。雪暗焚宮泣玉牀。風酸辭
漢悲銅狄。黃頭洗箭唱兜離。故老吞聲淚綆縻。仁壽
鏡懸精衛怨。茂陵書去子規啼。金釵歌斷臨春閣。秋
颺槐葉紛蕭索。已歎三千落劍花。漫期十八開蓮芍。
回首南朝事惘然。月明麋鹿故宮前。独有石頭春水
碧。烟波夜送潺湲。

長安道

馳道春風晚。長楸落日斜。按鷹來戚里。挾瑟向侯家。
純扇平陽月。珊鞭宣曲花。君王好武。新拜李輕車。

洛陽道

戒曉開平樂。華纓滿洛陽。風花任錦障。歌吹競紅妝。
金埒新調馬。銀鈎學采桑。鬪鷄殊未返。知是就陳王。

塞上曲

羽檄夜徵兵。嫖姚下邳城。邊烽連戰氣。隴樹聚秋聲。
月落金笳冷。風高鐵馬鳴。歸來報天子。獵火萬山明。

塞下曲

萬里覓封侯。金鞍被錦裘。弓懸龍塞月。角度雁門秋。
白草迷孤障。黃雲斷戍樓。應知漠都護。持節到涼州。

紫騮馬

蹀躞蘭池馬。鳴鑣出灞川。氣驕垂柳側。嘶斷落花前。鞭影懸絲鞚。衣香拂錦韉。方隨驃騎去。羞向画樓邊。

劉生

年少扶風客。驕行繡陌傍。期門新挾彈。長信舊為郎。輕薄微紅袖。矜趨脫紫韉。獨來春草獵。名姓滿咸陽。

關山月

明月昭邊州。交河迴不流。五原征雁斷。六道戰雲愁。鉄甲寒生白。銅焦夜帶秋。誰憐樓上女。腸斷大刀頭。

雨雪曲

關山千里雪。客子事長征。銀磧雙鷗沒。冰河一騎行。

雲橫青海戍。烽掩白登城。辛苦金微外。嫖姚未解兵。

班婕妤

君王憐燕啄。棄妾似飛蓬。輦路苔文暗。簾鉤露彩濃。秋風傷擣素。夜月怯窺紅。豈怨成孤寢。私心託守宮。

銅雀伎

井幹倚清漳。朱顏送豔陽。總幃春漢。陵樹月蒼。紅斷閒裙蝶。鶯歸罷。伯林遙思魏宮。夜歌舞奏名倡。

晚眺寄許下

夜色蕭條萬里開。愁人臨眺欲徘徊。浮空遠席天邊。盡不斷荒烟樹杪來。孤障風高悲鼓角。春濤日落映樓臺。只今戎馬迷南北。且向袁絲問俠才。

寄楚黃王涓來

相思空唱梅花曲
夷甫行藏近若何
目極江湘千里暮
書傳閔塞一鴻過
潯陽潮落猿聲壯
笠澤天高戰氣多
好去買山尋鳳侶
莫教風雨泣卷阿

送人之越東

即席分得蕭字

平原春草莽蕭蕭
遊子乘春訪石橋
舟渡雲中觀海日
人從天際聽江潮
赤城東去霞標盡
閩嶠南開龍氣遙
倘過嚴陵逢釣叟
可能回首憶吹簫

雜詩

同楊俊三作

黃鵠凌風飛翩翩
橫九垓秋風何蕭瑟
長鳴有餘哀我生
亦何為栖隱蒿萊
圓景依中天繁星
蝕其輝

朱華耀芳林
嚴霜萃其萋
昭王久已死
誰起黃金臺
壯夫固有時
無為長搶摧
周顧羽毛安
知橫絕才

其二

少年好遠遊
駕言適沅湘
廣川激清波
蕙風蕩紅芳
走馬陽雲臺
沆蘇何飄揚
天晴春草細
平原浩茫茫
飛身接雙兔
倒捉青絲韁
南楚多俠客
相逢大道傍
解鞍藉艸坐
飛騎傲名倡
是時算春初
新鶯滿高楊
絲管雜鶯聲
歡樂方未央
自擬今日遊
百歲可終常
豈意迅商來
吹我還舊鄉
棄彼繁興華
摧藏守空堂
青骹競飲食
玄豹擇文章
扶搖倘我借
矯翼凌扶桑

其三

上山采芳杜，岩阿多薄陰。東風媚春華，枝葉自相尋。
之子渺不歸，歲月日以侵。憶君新婚時，相於同錦衾。
今君遠行役，悠悠隔江潯。門有車馬客，云來自桂林。
牽衣問夫婿，言阻湘水深。庭中有好鳥，命儔揚清音。
而我竟何如，紅顏坐相零。寄君幸努力，無使妾傷心。

其四

家世為漢將，生長遼城東。秋高塞艸枯，從軍出雲中。
具裝懸吳鉤，雙鞬捷秦弓。烽烟四面動，旌幟紛相從。
列營砂磧間，白日昏蒿蓬。邊聲薄暮起，肅肅生嚴風。
黃雲合涼野，千里無征鴻。倚劍登高原，慘澹秋天空。
幕南苟未夷，意氣難為功。轉戰蘭千山，連摧燕支戎。

天子坐建章，馳詔嘉尔雄。功成入西京，甲第何崇隆。
嗚呼草方者，鉛槧守固窮。

其五

植蘭華池邊，微芳隨風宣。託身君子室，令德隨人妍。
高樓有佚女，獨宿方盛年。顯十五餘，蛾眉澹新暎。
含情理修帶，垂手春風前。不怨盛年移，但期靈條還。
豈學倡家女，河間夜數錢。

白紵辭 和弘人大兄

曲瓊半上朱，送張蛾眉促。生調銀蟾月，華燭光滿。
堂為君起舞，樂夜長。七盤迅赴，嬌服揚香塵。欲動江
南璫，安歌進酒君莫忘。無為向隅空自傷，高堂歌舞

殊未央鳥嘒嘒、催扶桑

其二

臨高臺披重幄博山燼委芳氣馥
從携美子揚清曲
玉柱高張調何促
油長管急消華燭
春風澹、吹微
波豔陽欲去可奈何
忘情且任金叵羅
不見高樓春
盡傷青蛾

長安有狹斜行

三輔盛遊俠逐、長安中
長安何翕絕冠蓋相紛溢
道逢兩騎人叩、問何從
答言少年時結交捫里翁
二十屬期門侍獵長揚宮
池陽宣曲間日夕陪射熊
家本俠者徒賣漿非鳴鐘
一旦拜恩澤磬折來群公

大息大長秋小息右扶風
朱軒交華屋賓御殊寵蔥
善宦自有回矩步非所容
桂麗及春妍歲暮雜為工

漢武宮詞

戲罷魚龍幸栢臺
期門十隊翠華開
甘泉宮裏傳銀
燭聞道君王夜獵迴

開元宮詞

春來水殿鎖潺、阿監傳呼召玉環
十部龜茲齊度
曲夜深歌舞到花間

行路難 和吳海序計甫草

翩、炎洲翠溫理何娟
好羅家工射利雲罕張林杪
凌霜觸雪辭故枝
羽毛瑟瑟、如蓬葆
海鵠噉、鳴雲

中顧此憔悴心煩忡念君雖微同鳳族胡為戢翼羈
雕籠為君捐網得歸去相將飛入三珠樹

其二

漢武好神仙五利為通侯為言仙人好棲居囂塵雜
沓難淹留不如雲卧白山去大狸赤豹向遨遊又聞
山鬼方窈窕幽篁含睇來相求吾聞君言何太矯人
生立身苦不早平原據地歌金門安能窈寂長烟艸
盛年易戢時易沉秋風不駐紅顏好不見濟南終子
雲上書十八乘朱輪

其三

文仲昔戰死乃歌平陵東平陵多松柏一、生悲風

憶昔全盛時候家一何雄父為漢相子侍中香貂翠
羽交君宮門前獲旌相始耀領麾東郡驅遊龍一朝
彎弓雪漠恥相從独有陳家子新都欲來赤鳳死嗟
尔慷慨徒尔為連頭且入陳都市汝南小兒何覲
不歌義公歌兩鵠

子夜歌 和 顧茂倫

儂傷大堤頭問歡在何許那得木蘭梳載儂到歡處

其二

棄妾高樓上羞看春草肥蛾眉何用掃夫婿已翻飛

五日觀競渡因憶楚荆 一百韻

佳麗蘇臺畔烽烟郢樹邊懷人空悵望撫景自凄然

草木辭春晚魚龍隱浪偏天涯還戰伐江左競誰聞
射粉羌笳後尋芳塞馬前楚山雲黯淡吳練水潺湲
為憶三閣賦翻悲五日傳千門待女浴萬戶命絲纏
榴暖紅珠火花明紫玉烟水嬉仍舊俗競渡又今年
鳳舸沙棠艦鳧車文杏舫古謂舟為車如水馬之類波輕飛画檝
風急蕩淪漣雜沓奔潮壯蒼茫亂影激錦帆絲始止
絲竿倒盈川擊汰滌簫鼓橫汎賦鮪鱸擢歌聲的
撓吹思咽々白馬晴洲合黃頭麗服鮮靈胥小海唱
九淖盪崖設繡幟凌風直牙標映日圓輕馨吹雪擾
跳沫激珠連翼々蛟初駕滄々鷺乍旋飄搖首尾捷
宛轉舳艦便直欲橫朱記何心遠鏡縣兩費開黼帳

一徑駐華軒蛮帶隨絲遠香臍向客鳴縱橫青雀舫
歷乱碧羅韉蕩子金羈簇佳人玉袖聯徵歌看決鬪
倚扇醉婢娟盡矢觀濤樂伎誇揜翠鬟傷心誰獨苦
招屈自摧煎倏忽簫鉦歌如同霧雨還曲終江寂々
戲罷瀨濺々對此原增憾于今益悵焉山陽思舊笛
水畔斷腸絃荒莽湘臯月蕭條漢渚荃峰青空七二
雲白渺三千彼美遊無處蘋花益可憐昔予知子上
意氣遠同聖萬里曾貽佩孤懷願執鞭澧蘭香澹々
沅芷影芊々神往都無隔書來各勉旃但期張悌駕
未共李膺船是歲逢園棘家翁寔秉權阿房求杜牧
塵尾識張玄辛苦梧桐詠沉吟芍藥偏帝城方鼓瑟

今史早書毡策奏蘭成射人看玉荀妍門生袁氏貴
賓客衛家賢夢斗還相次登龍獨秀先

師資誠契合風雅故便翔西錦朱華燦滄碑紫字鏤
向衰嘆伏氏年少逼僧虔粉署荀香合華堂謝舞翩
才名矜藻麗出入豔神仙黃鶴晨停馬青翰夜照箋
覲藩雲母隔覓妓雪兒眠綺席輕于蕊羅衫薄似蟬
筆裁鸚鵡賦身侍雁池筵論議皆希逸交遊悉仲宣

曲高雄楚國文似敵甘泉計吏車方飭

和門檄又過霓稍新市滿月羽下江挺眊固窺襄郢
尤來出澗渥軫圍蒼七里雉射陣雙甄殺氣橫譙角
妖星孛翼躔六麋俱麗箭九虎競鳴弦絕障軍聲斷

嚴關戍火延登陴非棘令逐寇夫揚璇無復金湯恃
空餘鉄騎駢赤亭强弩散玉壁戰樓顛突豕彌達道
封狐騁陌阡城崩寒日慘野哭晚風羶骨壘洛陽側
隣迷明月巔峽名在夷陵王孫淪戮辱荆有患藩甲姓困拘孥

愚叟山雞鑿冤禽海易填中原當板蕩吾道北屯遭

惻々遊燕客靡々正促弱望雲因思切聞雞遂言還

曉色臺城角凉颼夢澤天計借至金陵聞荆州陷以母夫人在遂歸

秋深恒慘黯道阻屢迴沿汲豈無炭別愁綠憶母綿

趙巷悲血灑温嶠泣裾牽入里人皆異窮途恨詎蠲

修陵防竊植木末惧蓉拳高蹈懷龍首遐征致鶻奉

弋鴻羅蠹々鈎貝網髮々壯節羞全瓦兕徒誓碎瑄

美陽冒自穴酒士志寧峻烈、鋤蘭戶倉、擗蕙擗
江寒烟霧澀波濶屢蛟猿徐行終沉海彭咸竟赴淵
竟辭蓼莪苦身向汨羅全

霜色宵侵

漠虹光晝飲燕華亭存吸鶴蜀道響啼鶻視死君能
定浮生世尚尚舊交龍戰盡新事鳳歌捐阮籍徒埋
昭靈氛漫索篲楓林哀易合護艸怨唯痊寂寞泉臺
夜飄零故園鶯繁華今滿目誰念大招篇

美人篇 和聞夏二兄

妾家近住石城東掩抑高樓花作籠春紅自遠邕家
宅約素偷施紅守宮、粉亭、競初日慵來却掩珠
窓立屈戌屏開夜影空歲蕤帳捲春風急春風西閣

倚新妝麝月輕安待約黃垂穀鴛紋裁繡被飛截龍
子始羅囊羅裳玉袖朱顏好櫻雲亂擁梳風早誰持
翠羽惜盈、羞期油壁同小、烏曉白門楊柳春緘
怨相將去踏青上頭不見東方騎小立選聽西曲鶯
西曲長干遊俠路三、五、窺紅步掩映珠袍花際
明迢遙金絡林間度就中年少最閑舒賣眼揮鞭指
妾居三條未剪連枝錦雙烟先上合歡襦看君看妾
多輕薄相於兩、微波託貽我羅櫻白玉纏贈君銅
鏡黃金錯妾心對此倍纏綿願約他時並碧絃鳳皇
曲奏羞中夜鸚鵡環留俟七年、華倏忽芳菲歇鳩
媒謠詠佳期絕聘望蘋花香未歸相思豈菴長離別

離別休歌楊叛兒羅惟原未待恩私飛、自泣東南
雀叩、空車西北期庭前落盡櫻桃樹思君渺、行何
處謾勞桃雪助春蛾空拭紅巾垂玉筋玉筋雙垂暗
自傷秦篝楚雨掩空牀同聲自矢鴛鴦約羞學侯家
弄狄香

金陵

漢家居重兩京開度色龍盤宴壯哉黃屋切雲雙闌
迴朱門不夜五侯來蕩舟桃葉迎鴛袖邀笛梅花近
鳳臺莫道江東非戰地徐常曾負折衝才

夜次京口

高城樓堞倚天開瓜步鐘聲隔岸迴夜月迴臨江樹

遠春星遙動海潮來南徐士馬推雄畧北府風流憶
賦才回首桓公高宴處短簫橫笛倍堪哀

揚州

江南佳麗地風月更揚州花隱王孫殿春還太子樓
舞衣低步障歌榭出簾簾日晚隋堤柳烟條控紫駟

登漢陽晴川樓時逆猷已陷蕪黃

雕窓繡柱俯高樓檻外鶯啼杜若洲麗日曉開孤島
樹晴雲春入大江流鄂君青翰焚香卧神女芳臯解
珮遊宇落不堪頻縱目臨江烽火正淹留

岳州

城頭山色倚嵯峨不盡群峰積翠過地擁樓臺三楚

麗湖開南北五溪多黃陵夜靜湘君瑟青草春生夢
澤波欲向芳洲寨宿莽美人無處奈愁何

湘陰

二月逢寒食三年寄短亭山空春雨白江迴暮潮青
芳樹連巫峽歸鴻落洞庭嚴城有刁斗蕭瑟未堪聽

凡弘人曰金陵至湘陰六首皆家弟紀遊
田作也時年甫十三兩境地便已尔才
非康樂而家有三惠連
諷詠未周為之三嘆

君馬黃贈張九臨

君馬黃臣馬蒼君馬蘭筋臣馬腫方絡我白蜃珂著
我鉄衲襠金堤十里春草長鳴鞭蹀躞交輝光君馬
雖不言中心自摧傷自念龍媒姿呈瑞來咸陽玉山

有嘉禾判之為餼糧天子見我三嘆息傳呼協律為
歌章雄姿矯、雪毛赭肉駿律、桃花香問君翦拂
為誰子安陽稅侯來相當須更人事如轉轂駿雄棄
置遺空谷傷心忽遇俠斜兒玉鞭金絡相馳逐君不
見武帝宮中首霜稀茂陵蕭瑟秋風辭安陽既去稅
侯死銜冤伏櫪空傷悲

東飛伯勞歌 同計甫草趙山子作

織腰麗女長裾后流鶯乳燕春相守誰家遙豔瑣窗
前調絃拂柱情留連流蘇翠帳鴛鴦茵明眸微睇羞
自陳可憐十五新嬌面妝成婀娜遮團扇東風綺陌
冶遊多狂天犹自成交河

秋夜 同楊俊三作

命儔出江郭生嘯臨層厓涼飈蕪高氣碧樹何霏微
皎月鑿幽榭微霜散華墀澹々長河流噉々孤鴻哀
楚人怨遲暮客子嘆露晞含情易為戚念往空濕悲
絲桐自有音女蘿自有枝桂水渺無極憂思徒自知
冠霞閣同顧茂倫趙若干晚眺

香閣鬱崔嵬登臨野色開黃雲高古戍落始隱荒臺
笛思迎寒切砧聲入暮哀蕭條天際雁幾日故園來

秋感八首

甲申九月在湘中作

楓林搖落迴蒼々歲暮天涯黯自傷永夜星河翻夢
澤高秋風雨暗瀟湘三年作客清砧斷萬里懷人叢

桂長憑眺欲尋西籬佩數聲漁唱起滄浪

其二

楚望還登王粲樓參差吹徹木蘭舟風清桂嶺後初
嘯雨歇蒼梧瘴未收帝子怨深瑤瑟夜美人心折白
蘋秋却憐故國多芳艸幾度登臨賦遠遊

其三

西山陵闕鎖幽宮 群帝神靈想像中銀海雁寒虛
殿月玉衣香散夜臺風天高朔氣妖星動地入邊笳
御宿空裡祀萬年開北極只今秋祭更江東

其四

楚宮八月下揔槍宗子誰傳帶礪盟雲夢旌旗還去

國章華臺榭更開營珠囊夜泣三湘雨玉馬秋迷六
詔兵楚中諸王避地黔粵聞道至尊思叔父魚烟
渺、動皇情

其五

齊豫諸軍盡北來淮淝山色戰雲開九江潮穩飛龍
艦萬騎風高戲馬臺殊錫競推王導貴折衝空憶謝
玄才先皇恩澤知無數誓衆應多縞素哀

其六

遙傳陶侃駐江千三戶兵戈血未乾甲帳紫貂多縱
寇牙門青犢半登壇左侯麾下半係降嚴城落日征
烽急絕塞迎寒画角殘共道楚軍工戰關却教鄂鄂

路嘗雞

其七

千里平沙接大荒襄中風物自蒼茫漢江暮掩孤城
白戍鼓寒沉落照黃逐寇健兒驕玉馬觀軍中貴擁
銀璫可憐高纛重圍裏却使君王策廟堂

其八

長沙寒倚洞庭波翠嶂丹楓雁幾過虞帝祠荒闌野
哭苗君臺迴散夷歌閔河向晚魚龍寂亭障凌秋羽
檄多牢落楚天征戰後中原極目奈愁何

計甫草曰此漢槎十三歲時作也悲涼雄
麗便欲追步盛唐用修青樓之句元美室
刀之歇安得
獨秀千古

秋日感懷八首

麗譙落日旆悠悠，一望中原動九愁。
羌笛關山千里暮，江雲鴻雁萬家秋。
咸陽羈旅傷王子，漲海功名憶少游。
桂水只今新浴馬，懷人何處命扁舟。

其二

獨夜商歌倚劍看，陸沉空憶舊長安。
王孫江乘金鞭去，公主清河玉袖殘。
白露園陵遊月冷，黃雲城闕射雕寒。
最憐京洛蒙塵後，戰血年年只未乾。

其三

關河歷歷想雄圖，飛將旌旗更有無。
紫塞風烟征雁斷，朱鷺驛路瘴雲孤。
憑城早已亡羊侃，鳴鏑何曾畏

邳都却憶故宮遊，幸處月明永夜烜金鋪。

其四

舊國樓臺極望中，蔣山松柏野烟通。
烏嗥玉樹陳宮靜，雲散金屏晉殿空。
代馬長嘶愁曉月，邊笳遙夜動秋風。
江流萬里投鞭斷，誰向西州泣謝公。

其五

西來烽色始神京，十載干戈在北平。
劉氏黑貂空喪落，秦川白騎竟縱橫。
種瓜誰識通侯貴，奉壘還誇僕射名。
極目長陵秋色遠，金鳧玉雁不勝情。

其六

易京西去古雲中，白骨黃沙感慨同。
皇甫度遼兵甲

盛慕容歸晉羽書通
兵殘馬邑頭空斷
箭盡蘭山恨
未窮最是將軍臺
畔月夜來
犹自始洿官

其七

花外陳家結綺樓
翠支甲帳待宸遊
珠簾夜靜千門
月金井寒生六苑秋
建業山川收王氣
華林歌吹度
邊愁翻、不少歸朝客
犹向江南說黑頭

其八

萬木蕭森帶遠烟
吳峰吳水氣蒼然
孤城搥素秋風
裏遠戍吹笳落始前
東郡未忘丞相澤
涼州犹共永嘉年
故人嶺海知無恙
長劍單衫倍可憐

贈友

朱華媚朝日空景相澄
鮮浮雲覆長薄迴風澹
圓淵駕言采三露遊思泛
五烟靡蕪揚曾芬清澗流
潺湲玄猿坐長嘯獬子爭
接肩舍此嘆息去孰辨菀
與荃豈無蕙蘭姿孤芳竟
誰宣運會有代謝人事多
推遷苟非遭逢早愚賤同
棄捐勗赴玉臺藻明時幸
相全毋使秋節至零落悲
紅顏

夜讌吳閶

涼颼起高樹飄颻吹我衣
繁星耀中天光景焰四垂
華燈樂送夜歌舞欢相隨
清商發皓齒妍迹揚玄眉
吳客歌采菱曲度何靡、
綺麗盡今夕沉酒忘所歸
憂人独愁思散步臨堦墀
金波澹欲落河漢清且微

願隨晨風翔一舉凌朱羲安能生長嘆時往不可追

送康小范之廣陵

吹笛離堂意自勞朱軒繡軸映蘭膏論文客路憑樽
酒惜別天涯晚佩刀舊苑池臺江雁下秋城笳鼓海
風高傷心莫問當年事司馬墳邊半野蒿

寄侯記原

吳城粵水路逶迤歲暮汀洲雁景遲秋到梧宮人已
去書來桂嶺事堪悲江潭憔悴空長恨故國蕭條有
夢思何日重頒元朔詔羽林躍馬備孤兒

寄侯研德

相送吳市賦彈箏此日仇傳舊姓名傭保已能藏李

燮酒徒何處問荆鄉悲歌草土黃金盡落魄江湖白
髮生無那南來消息斷珠崖烟雨倍傷情

哭友

當時痛哭向秦庭豈意風塵老歲星報國陳豈還寐
寔破家張儉獨飄零十年亡命烏頭白千里思君杜
若青滿目山川征戰後遙憐何地更揚靈

秋夜菴和弘人聞夏雨先

八月清商下素柯曲房閒館夜涼多玉階窈窕流明
月画閣玲瓏度絳河絳河耿耿秋風裡千門萬戶秋
如水霧飲銀牀蟋蟀催涼生綺沼芙蓉死芙蓉小苑
始三星玉繩泛豔夜冥冥博山不暖黃金屋宝瑟森

寒雲母屏、風幾曲流空影深宮此夜羅裳冷秦女
林中漫卷衣甄妃塘上思遺枕、獨床空百恨生遙
遙魚鑰警層城鉞樓羅綺霜華滿甲現簾櫳露彩明
露彩盈、閉深殿沉、宮漏催虬箭共俟羊車殊未
回遙聞鳳管愁相見別有離人粧鏡臺哀絲促柱夜
徘徊羅帳輕任闌葉墜珠簾斜掩待螢來螢來葉墜
年華換金釵棄置空長嘆欲篋羞看舊舞衣開絨祇
益新邊怨、別誰家淚未乾可憐夫婿滯皋蘭關山
莫寄鴛鴦被粧閣長悲翡翠環翠環去、無消息門
前碧草遲行迹旅雁寒飛只斷腸牽牛遙指空沾臆
斷腸沾臆迴生愁北斗闌干對桂鈎征人紫塞三千

里賤妾紅閨十二樓、上銅龍聲漸咽交河一戍同
胡越香緩蘭衾夢未成寒侵蕙幌愁難歇蕙幌蘭衾
妾自傷黃姑欲沒月低梁思君空負刀頭約誰念深
閨秋夜長

三婦豔三首

大婦理蟬髮中婦斂蛾眉小婦獨無事臨砌折花枝
風吹合欢帶小闌見紅暉

其二

大婦調絃罷中婦采桑歸小婦好容飾調鏡試羅衣
相將向南陌日夕遲青絲

其三

大婦掩羅幃中婦弄鸞杼可憐最小婦盈、私自語
斗橫花影但抱衾向即處

雜體詩序

雜體詩之擬始於謝康樂盛于江文通其言謂楚謠
漢風既非一骨魏製晉造固六二體然蛾眉不同美
而俱動於魄芳草不同馨而悉悅於魂非性情使然
歟予友吳子漢槎衛子永清謝家玉潤翮、雋逸望
者疑神仙中人及讀其詩則又氣體高妙波瀾獨老
盧駱王楊之藻采李杜高岑之風則無不兼備蓋擬
議之迹化天然之致勝也使與北地信陽並馳中原
尚當退避三舍矧歷下長興諸公哉今秋予過松陵
漢槎出後雜體詩示予聲情慷慨格調悲涼大有山
河離別風月關人之感焉仲宣流連於漢南子山羈

旅於江北帶甲滿天笳歌動地文人遘會其時性情
實有相符者胡霜金柝之章蕙草蘭十之句信可以
鏘謝凌江矣豈云團扇秋風芙蓉綠竹取古人之眉
黛代一已之萱緣已也酒酣耳熱涼星三五戲語漢
槎歲月不居風流易散後有作者于弘人研德甫草
苔文俊三武功諸子未知當作何擬漢槎其操不律
以豁我愁乎

吳門同學盟弟宋實穎既庭拜題

雜體詩序

西陵同學弟陸圻拜撰

原夫河梁贈答寔肇風徽鄴下歌謠漸多羣麗五言
之盛可得而言然如子荆以零雨見珍康樂以春草
特妙以至司空兒女之珎延年雕績之累莫不性取
獨適家罕兼善譬之觀魏闕有蘭綺之第橫陳入越
都者緡統之榮不愜此言殊軌者易為工而通方者
難為巧也乃若醴陵創調雜體名詩筵簧匏管九吹
之變恣和橘柚櫛槩一吸之鮮不御庶幾力同賁獲
才甚驛騎真天姿之備媿人外之絕智矣然世風代
降擬作為繁薛君采馳騁嗣音王弇州條烈羣品頗

多虎賁之形不失黎丘之貌而今時如吳子漢槎者
辭為南國之宗名在延陵之季遠隨羈官遇閣題銘
近同傷亂當筵流涕身賚油素無不推其轡文容比
珊瑚俱欲為之作架斯固三虎之稱偉節八龍之有
慈明矣乃復以銷暑放愁幽居綴藻踵江生之後
綜諸氏之長循其時次六擬作三十首上自宣城下
迄司隸景物興會仰溯曩符神韻格調取高前式所
謂離組之文本異杼而均炫于目芳香之艸不同岑
而皆嚴於裾也至若太元天監既不一揆河右江左
六又二致居南服者未識滄面產北方者不曉吳語
斯固物理之自然實非品類之難協而吳子形容著

勝阿堵之蘊悉傳刻畫中規縱橫之態已極狀如胡
寬營新豐而鷄犬競識仲謀柵屏上而蒼蠅欲飛斯
已竒矣後有作者先河後海則吳遜文通祀近祧遠
則吳盛王薛豈非記室之後勁好事之深憂也哉

擬古後雜體詩

吳江吳兆騫漢槎著

膠城侯玄泓研德

吳門楊焯俊三閱

謝吏部眺省直

鴛鴦壯九重鳩鵲拒渡關
金莖麗綺霄珠綴延華月
扶宮鳳吹揚周廬虬水徹
高柳承檻低珍卉映堦叢
伊予荷薄弱謬登建禮闈
鳴玉慚俊民抽簪謝往哲
歸歛嗟滯淫懷哉嘆遙越
何時返初服山海恣遊陟

王寧朔融遊邸

得性身自餘服理物斯
羸初地既容與朱邱聊
遊行

芳草被蘭唐鮮飈流桂殿素波汎文禽綺疏來早燕
雲陰散窠涼露華承蕙轉空墀綠篠深幽石蒼苔徧
遐哉塵外鑣天伐從茲遣

江記室淹楚望

驅馬出楚宮逍遙望嶙峋軌路遠江臯巖岫俯城闈
雁下長沙渚出入蒼梧雲餘霞帶遠岫曾暉媚遙津
氣清漢坻合燿盡荆流分佳期怨遲暮羈孤傷美人
綺羅空徙倚簫鼓奏悲辛韓娥眇難作徒令憂思殷

梁簡文帝綱閨思

紫臺君遠戍青波妾獨居共知離夢杳詎信合歡疎
絃中悲別雀簾外聽懸魚瓊鈎臨戶永金漢度窗虛

約素腰逾細窺紅睂未舒思縈歸燕後愁劇擣衣餘
願托交龍錦千里寄長榆

梁元帝繹述懷

鄂渚樓船擁荆門幕府開麾軍占霸氣拓地想雄才
風清朱鷺散塵飛紫燕來芙蓉依劍合蘭葉映旗迴
別騎通明月前驅下大雷浮蛟三翼動射雉兩甄催
扇憶顧榮略笳分越石氣幾時平日域一為寫雲臺

沈特進約三日

新陽開上巳淑景發皇州修楊蔭馳道芳樹夾高樓
槐里盛遊俠蘭池來子侯宛轉銀平脫縱橫金絡頭
宜春雜花散小苑鶯聲添珠袍映日轉綺憶逐風游

鬪鷄歸下杜走馬出長楸
懽娛盡永日薄暮還相求
翠釵時獻笑蛾眉詎含羞
結風張女殫防露楚妃謳
但營九春樂安知百年憂

范僕射雲貽友

暮春事耕作荷鋤適南岡
日夕中車歸桑榆曉頽陽
稚子前致辭有客登中堂
旌車耀里閭徒御盈道傍
華纓何飄搖金羈自生光
物情忽明義榮悴為低昂
自非同門友疇能顧窮鄉
鮮柯無槁葉寒谷有嚴霜
臨風布遠情懷思徒慨慷

丘中郎遲宴別

華鐘啟未央銜輿戒平旦
微風舉翠華澄霞照瓊弁
林長羽騎踈地迴鳴笳徧
天散繁陰綿羽流餘轉
聖朝重明牧介弟臨淮甸
虎竹分壯圖樽酒延皇盼
微臣愧作頌明義詎能展

柳吳興憚擣衣

閒房汎虛景夕戶引離歌
珠簾浮素月羅幌見明河
思繁幽怨集枕獨夜情多
誰憐懷日逐聊復理雲和
雲和淒以清悲君尚遠行
鳳城宵露結龍沙秋草生
遙榭聞花漏虛堂掩画屏
寒衣何處寄刀尺自傷情
靡蕪增永慕芙蓉空掩嫫
君猶塞北衣妾擣城南素
碧樹下涼颼金苔凋白露
連娟斂秀眉窈窕迴纖步
步帳肅秋陰長廊叩夜砧
短衣催急節繁杵散哀音

涼生紅袖薄霜潤翠鬟沈不念關山遠安知賤妾心
妾心空宛轉臨篋倍殷勤連燭裁鳳子細綺織鴛紋
坐愁金井葉永睇王闌雲九秋徒有恨千里一思君

庾度支肩吾侍宴

期門宵警蹕輦路曉迴鑿屬車開月羽容衛載風鳶
曙色新豐遠春陰太液寒文鶯留綺樹華桐媚遠山
珠旗花際出瓊鉞柳中看緹帷麗平野絲吹震長壘
宛轉魚龍戲紛陳爵馬盃分襖群工醉賜醑萬方懽
徒知薦綠水空愧頌猗蘭

何水曹遜示寮

重巖嵐翠渺荒薄烟光聚晨月媚空波落星帶江樹
的：洲迴帆蒼：山寫霧風緊曉猿悲霜空孤雁度
漂搖行旅情棲遲遊子慮懷人思故山撫舊傷往路
幽期既已乖賞心庶能遇眷此平生懷悼茲年歲暮
方謝金閨彥去采瑤岑露

蕭東陽子雲望春

蘅皋生薄陰槐路耀鮮旭遵野協幽情臨高送遠目
烟柳晴春隄風花盈霧谷遊客影羅纓都人馳繡軸
綺榭日華新金溝波影綠拾蕙自容興采蘭信幽獨
一卧茂陵園空想藍田曲

虞常侍羲北伐

漢家事遠畧飛將出遼西遼西亭障遠驚沙千里飛

邊秋橫殺氣戎馬咸精肥交河隴雁少涼州塞州哀
黃雲斷烽火嚴飈勁鼓聲鳴鏑響空磧高旗動落暉
絕漠樓煩騎陷陳羽林兒胡霜金柝冷邊月蘆茄悲
軍前獻當戶鼓下坐閑支揚旌高關塞振旅躡林祠
功成班勇爵塞靜脫戎衣勲名詎終極人事無長期
羅綺方娛樂金石已潛移蕭條瀚海外萬古起雄思

吳朝請均春怨

朝日下房櫳微風蕩簾幙百草媚芳春孤妾長漂泊
蘭徑蝶雙飛玫砌花空落含情羅帶賒怨親梳薄
遊絲不係愁折柳誰行樂悽斷玉闌書長悲金枕約
空梁有燕歸虛檐見蛛托燎絕博山爐塵染歲蕤鑰

羅衣欲寄誰鸚樽徒自酌春雁有歸音鑒此平生諾

徐內史俳酬友

踈龍起漢關踐華表秦城山川開險分樓觀壯神垆
麗譙侵漢遠崇雉入雲平乘墉時絕目西北見咸京
桂宮通複道柘館抗飛甍光風金爵舉斐雲露掌明
三條躍飛燕九市場華纓少年負豪俠結客飛英聲
五陵爭博進三河習射生思逐驃姚戰羞邀劇孟名
何當逢漢主負羽出幽并

劉秘書孝綽歸沐

逍遙出瑣闥還願望曾宮鬱：迎風觀繁樹遠青蔥
滄池含宿霧微道隱長虹荼戟分平右冠簪入鏡中

梅落文梁迴蓮披藻井空咨予羈薄官弦望已三終
塵纓愧方結初衣嗟莫同幸遲司隸舉寧思武騎通
美人盛文藻作賦儷雕蟲時厭承明內言訪灞陵東
據地憐方朔好事慰揚雄還期命芳酒折芟奏絃桐

劉庶子孝威詠月

城烏嘯未歇願兔已飄颺只自臨遙夜寧知隔兩鄉
風輕榆未落露濕桂無香寒入哀笳斷光侵雁柱涼
征人驚朔苦思婦鳳城傷斂恨低珠箔含嘖掩玉觴
破鏡空相憶刀環莫暫忘倘遇交河使知妾日霑妝

庾開府信詠懷

公主思鄉館將軍出塞臺共此關山別誰憐舊國哀

歸路胡雲斷羈心羗笛催南音終日操北雁幾時迴
玉梳無消息珠簾有劫灰唯餘灞陵岸王粲獨徘徊

陳後主秣寶襖飲

春芳開禁苑佳麗啟增成柳弱銅溝暗花舒綺殿明
廣場陳曷衍遠樹出干旌景移金埒馬風度石城鶯
蘭雲隨舞聚桃扇倚歌輕列侍紛紈綺雜坐盛簪纓
吹雲鳳管合激水翠樽盈懽洽追南館樂闋指西清

徐僕射陵春情

春歸嚴氣解艸長豔陽還銀箭傳遲日香篝減薄寒
蟬扇迎風淺羅衣入晚單纖柳分黃約倡桃學錦檀
年芳窗際度花勝鏡中看殷勤懷蕙草留取寄闌干

沈侍中炯自傷

中郎來北海班生返玉關
舊京方改步行子已凋顏
花疑狼望雪樹隔隴頭
燿猶驚鳴鏑騎空拊大刀環
澤葵棲廢井哀楊望故山
甲帳空零落金輿遂不還
悠：建鄴水徒自送潺湲

陰常侍鑑送別

理舳臨南浦停鑪送北征
可憐遊讌地還作別離亭
艸歇吳洲晚潮歸楊子平
蕭條隨去雁悵望抗行旌
新知空復樂遊子正含情
明月金樽掩春風蘭渚輕
思君憐楚調寄遠托秦箏
悠：千里別應悲李少卿
張散騎正見汎舟

出郎初賜沐上客事行遊
試出千金堰還登雲母舟
蘭橈迴枉渚錦絳向芳洲
雨歇花疑暮風歸鴈帶秋
碧澗文虹飲丹岑夕景收
未曾繡被推先聽采菱謳

江僕射摠羈思

麗譙秋引霧睥睨晚栖烏
瘴燿生桂水蠻雨暗蒼梧
簾疎山靄合帆斷海雲孤
平野歸遊騎長天落遠鳧
望鄉深別恨作客泣窮途
莊舄徒思越盛憲尚留吳
還悲洛陽殿無復女珊瑚

魏特進收喜雨

清陰生石礎繁雲上女峰
湘東爭起燕膠西未刻桐
苔滋全汎碧花潤半舒紅
風細虬簷靜涼輕翠幙空

滴沼文猗散露樹遠烟重自解吳王戲寧勞漢掾功
盧武陽思道贈別

車令持金馬王褒祀碧鷄何如乘漢驛千里撫關西
去車矜使遠綠酒送將離曉月函關路春雲華岳祠
青門臨玉道素滄合金隄槐疎餘舊里蘭哀陰廢池
灞岸行迴首林光起弔思塞迥看旌度山長聽馬嘶
聊持陸賈劍還開隗氏泥勞拉奏明主應見賜青驪

李內史德林消暑

永臺聊暇豫露觀暫經過輕颺流綺樹繁陰下素波
高窗清薤簟幽檻動織羅才人絡雨織宛女采蓮歌
晶屏交扇薄玉袖倚蕭和畏此沈陽麗晞晚山阿
隋煬帝廣寒宴
旌驅玄菟塞輦下白狼川魚雲開毛氈雁磧斷胡烟
骨都空候月金人罷祭天獻壽琉璃酒承恩瑪瑙鞭
還嗤漢武帝十載事祁連

楊楚公素山齋

卜築謝鷲塵棲山樂所秉礪石結春陰磴道澄烟景
雲歸窅徑清日夕蘭泉淨宿露流素暉新桐發疎引
清援鳴樹幽風篁臨砌永綠倚有哀音美子無還軫
偃仰空山中樽酒誰為飲

薛司隸道衡酬憶

念子三秦役愁予千里分吹簫還独息對酒已離群

離群日以遠王孫殊未返碧州盡芳菲綠波春晚晚
春晚歷芳洲相望空悠悠日西蓮花影天清竹箭流
流年不相待忘憂無復采長懷白首期還睹素衣改

虎丘題壁二十絕句有序

妾劉素、豫章人也少隨阿母育於外氏長姊倩
娘稚工屬文刺繡之暇每教妾吟咏自是閨閣之
中屢多酬和丁亥之歲姊年十八嫁于某氏妾時
十六髮始總額阿母以妾許聘于同郡熊生、一
時貴公子也是年豫章大亂妾隨母氏避亂山中
既而北兵肆掠遂陷穹廬痛母姊之各分念家山
之入破肝腸寸斷血液雙垂薄命如斯真不減土
梗浮萍今歲某從役浙中彼人以戎事滯迹白
門因停舟吳閶門外以俟其來兀坐蓬窗百愁摠
集因覓紙筆作絕句二十首以寫其哀怨之思夜

半詩成竊與侍婢泛舟虎丘吊貞娘之墓因粘詩
寺壁欲與吳下才人共明妾意嗟乎峽裡猿聲鏡
中鷺影千古哀情在此詩矣

天明吹角數聲殘百將傳呼上玉鞍却憶當時閨閣
裡曉妝猶怯露桃寒

其二

一別慈帏已十年倚門消息有誰傳莫嫌兒去增悲
涕阿姊犹堪在眼前

其三

愁對吳閶江水春願憑蝶夢去尋親遙知今夜南昌
月獨照高堂白髮人

其四

一身飄泊到江涓淚落連珠那可揮薄命不如春燕
子年一犹傍舊巢飛

其五

欲說相思已斷腸多情却逐野鴛央他生願入天台
路流水桃花候阮郎

其六

羶裘貂帽捲風沙紅粉飄零自可嗟已逐烏孫成遠
嫁鄉心幾度怨琵琶

其七

自入穹廬已數春香閨行樂付埃塵堂宇太尉真儉

父強炙羊羔勸美人

其八

回首字山似斷蓬蛾眉欲盡怨春風自憐憔悴無人
問惟有慈親入夢中

其九

遠隨邊馬到榆關幼單雙眸任往還夢斷故園雲樹
裡可憐誰是豫章山

其十

昨歲從軍下武昌征帆夜半過潯陽起來遙望漳門
樹不得隨風到故鄉

其十一

滕王閣下動飛旌鈇柱官前畫角聲惆悵從軍星散
盡却教紅袖落邊城

其十二

暗把香錦拭淚流相逢已分此生休隴頭流水聲鳴
咽未抵蕭娘一半愁

其十三

夜、思君夢裡回朱門舊事總成灰妾身已逐楊花
去辜負溫字玉鏡臺

其十四

深、芳艸莫紅顏滿地飛花朵淚斑莫道貞娘多薄
命猶勝青塚在陰山

其十五

滿自東風散柳絲
帝丘山寺獨題詩
吳下才子人知不
少也應腸斷蔡文姬

其十六

懷昔雕窗瑣玉人
盤龍明鏡画眉新
如今流落關山
道紅粉空嬌塞上春

其十七

鎮日思家自倚欄
朱愁粉瘦更誰看
相憐惟有湘江
竹抱笋抽篁淚不乾

其十八

長將出恨訴空王
一盞禪燈淚數行
死去縱教偕鳳

侶人間那得返魂香

其十九

江行常見豫章人
欲寄家書淚滿巾
我欲南行君北
去相逢空說故鄉春

其二十

對酒難禁紅淚垂
天涯何日是歸期
愁心却是春江
水日東流無盡時

奉酬徐捷菴見贈之作次原韻

金鑑羞幙款清閑
托臂翻疑夢寐間
一玄塞垣空別
淚重來京洛是衰顏
脫駉深愧胥靡贖
裂帛誰憐屬
國還酒半却嗟行戍日
鴉青江畔度潺湲

集成侍中容若齋賦得柳毅傳書因次俞大

文韻

落日金羈上客過
西窗燈火九微多
當筵誰共抽毫
素一幅吳綃夢
芝波

其二

數館龍堂素練光
停杯与爾話錢塘
玉顏自昔多憔悴
莫向涇陽怨小郎

其三

年、沙朔掩蒿萊、橘杜色山夢屢回
吳中洞庭山今
亦有柳毅井
日雨工罔上見、亦憐儂亦牧羊來

其四

洞庭雲氣曉憑、寫入銀屏始錦燈、惆悵紅粧千萬
隊酒闌何處問巴陵

春夜聞絃索

限琴字

星轉天街玉漏沈、何人中夜撥胡琴、不須更奏伊州
曲、說着邊關已濕襟

詠史

豈是駭人怨、難忘舊國恩、蕭條湘水上、誰弔楚臣冤

月夜

月華深夜下金波、綺榭沉、露彩多極目、天邊雙桂
樹、清輝萬里共婆娑

慎文二集

蓋聞盧郎八米雅重西朝魏氏雙珠見推北海江頭
折柳遺班莞於名流石上看松飛羽鶴于公子若夫
携履蒼龍之漣早識安豐迴車生崔之航爭歎孝綽
泣以盛年馳譽弱歲知名白袷文人烏衣貴選張廣
武調車之日步兵嘆其奇才王山陰從髮之年僕射
驚其明慧是知英華靡絕端藉群隄領袖將來還歸
吾黨爰集邑中之秀以追河裏之遊客盡懷珠庄同
割炙少長咸集方典午之蘭亭詞賦無復擬睢陽之
宦渚布蕙肴而肅鳩顧荷衣以過從

方典三其旋堂詩集序

僕聞長雲接塞將軍傳龍雀之悲細雨滴簾客子下
鷓鴣之淚山舍秋氣寫出恨于銀虬水咽春聲北邊
情于金雁番禺南望柳花之絮無多張掖西來葵子
之根已少由来才士半泣飄零自古羈人偏多篇翰
論輸左枚曾聞楚石之談細管營州六有隨詳之歎
控長和而掩袂攬橫竹而登車一曲龍吟因思公子
數聲吳沫為憶家山中土漂搖尚含毫而緘然容堂
離別猶接牘以抒哀况乎絕塞長征殊方遠戍窺景
真于關外逐亭伯于遼東南雁無憑北梁已遠白狼
堆外畏懸度之難行黃鵠歌中怨關河之甚渺已作

窮停之種能無佗傑之辭是以毛光祿之在赫連自
述降羌之痛李都尉之居朔野之流望漢之歌豈獨
越石悲吟淚盡扶風之馬子初雜曲心推那水之奠
已斃方子与三才為藝苑之宗名在雋流之右庾子
山之文采父子無慚劉孝綽之才情弟兄並擅方翔
勁羽忽中兵且生京兆之金字嶺頭齊竄為李豐之
同產隴外俱投慷慨辭字凄其出塞地經絕脉向天
時而何之水號斷腸上隴頭而鳴咽乞于落月故園
之夢空歸勒勒浮雲異域之程何極拂廬夜靜能不
椎心服匿曷持每看沾臆邊霜似雪蕭條缺磧之聲
塞竹如煙淒咽金笳之韻曲中風上自操南音笛裏

關山空吹北都於是開僧寫怨流翰陳信寄路山川
塞天風雪或車中之贈別或馬上之行吟以至其番
土風鮮早國語無不調成金石所錯瓊瑤名曰其旋
都為一集寄羈臣之幽憤寫逐客之飄踪然入琵琶
墮烏孫之涕淚哀傳刁斗感雁臣之苦辛允為傳世
之篇聊當述征之作僕三年久戍萬里無家掩泣江
頭已同女子銜啼帳外幾類官奴幸並謫之逢君遂
同衣之容汝相携塞表似長羅之兵蘆鄉羈旅關中
等子淵之憐沈烟凡首華製半屬分題爰贊語于簡
端志悲懷于塵末庶使咸陽城畔人傳山水之謠廣
武亭邊客記落花之賦云爾

孫赤崖詩序

蓋聞纏綿湘吹以去故而增悽惋慨燕歌由送離而
結歎是以舊山既遠但管流音異國無歸繫絃索
房陵一玄君王有山木之謳軍府長羈伶官有土風
之操執珪懷越尚藉悲吟公子苗秦六傳哀唱由來
志士違此窮途未有不憑柔翰以銷憂托長歌而申
恨者也况夫金河轉徙銀磧羈孤水千里而斷腸塞
萬重而絕脉陳子公成遠不返宮望長安弱中監還
漢何年傷心遙海慨其歎矣能不連而孫子赤崖弱
年擢秀盛齒知名才為談士之宗人擅藝林之俊江
東二陸共識清河鄴下漢丁先推敬禮乃以拾塵之

惑遂從樓火之嗟靈璫難陳遐陬遂謫飄零皂帽遠
海宮來褊褊素衣吳閩長謝土思迢遞托黃鵠以俱
飛客夢徘徊指白狼而難越然而蘭山箭尽篇什偏
工桃館尊空風流未沫劉越石栖遑于河朔詩體清
劉庾子山留滯于閩中賦才宏麗維丁年坐老而子
夜堪歌于是娛志縹緲寄情嘯咏登高搗蕩攬物揚
葩紫雲亭堆興乘障之悲思白雪關山激從軍之壯
志寒鴉睇野夕雁橫天怨起衣單兔銷笳脆氣沉旌
而莫辰心侘傺以誰知及夫臺上瞻鄉山頭送遠宦
鄜不見鷺酌徒傾睇花月於曩遊愴風霜于今別莫
不攜之淒響縈緜以妍辭發言而瓊樹相華命調而銀

箏並咽捲蘆清吹譜為蔡女之文截竹哀音綴成五
仲之曲豈徒伯鷺南邁惟聞五噫中郎北遷顧成十
志也哉僕舊托琴絃近曰遷賈黃壚遊謫久限山河
紫塞軍僑及分鄉縣橫淚浪于河上空許堂篔簹並
氣于車前寧消杯酒北部之負已甚南館之會徒乖
永念生平弥嗟弦指却題短引爰寄沉悲嗚呼蘭忌
當門痛煩寃之何已蓬思出塞憐飄寄之安窮西氣
驚商將聽君詩而隕涕北風于呂誰投余製而傷神
乎

題西曹雜詩秋茹集

辛未仲春僕三上長安寓居李比部松客邸閉門深
坐不問朝市事秋冬之際采菊剥蟹頗似江鄉賓主
相對脫畧禮法致足樂也偶得吳江吳藻槎孝廉西
曹雜詩秋茹集兩帙哀其負才淪落鈔以送日鈔既
畢與王元倬先生南陔堂詩藏之枕函或謂漢槎與
元倬先生不侔元倬先生勝國遺逸搢履善全南陔
堂詩感時觸事篇、忠孝字、涕淚俾讀之者生黍
離麥秀之悲增鶴血猿腸之慘人傳詩傳固其所也
漢槎則流竄塞外其羈紲憂鬱紀述土風傷今弔古
諛貴求生搗詞雖工結忠實鄙顧何庸鈔、亦何庸

與南陔詩堂合置一處僕唯：否：慨念文信國謝
信州家鉉翁鄭所南楊鉄崖倪元鎮諸公尚矣逮元
遺山薩都刺高青丘劉文成袁白燕徐幼文世之未
盡非之僕第取 其詩悲其遇至兩孝廉之志節行
事自隨時代先後未可一槩論之也或人不言而退

秋茹集

撫順寺前晚眺

亂山殘照戍城東立馬蕭蕭古寺空接塞煙嵐天半
兩背人鷓鴣晚來風遼金宮闕寒蕪裡劉杜旌旗野
哭中俛仰不堪今昔恨欲將空法問支

經仄法故城

雪峰天畔見荒城枕是南庭屬國名空磧風雲當日
盡戰場揚柳空今生祭天祠在悲高會候月營空想
度兵異域君臣興廢裡登臨幾度客心驚

奉贈函公五十韻

師廣州人故太宗伯韓公之子也

蒼茫龍塞謫蕭寂虎溪遊白拂真詮遠青山道臘優

風銛譚滾：霜映髮影、問訊師當日東南與雋流
尚書蒼玉珮公子白髭裘士譽烏皮几家聲龍額侯
門方叅許史才欲駕應劉衆目爭看駿孤懷早狎鷗
寧知纓冕貴祇覺鼓鍾愁茂齒遺家室良時遜海陬
崇禎中師桑諸生買山心自迥作佛志偏道援狄遙
入羅浮山為僧峯晚松杉野寺幽座看多寶出園許布金稠入定囁
花交樓禪澗雪留隨緣辭越嶠傳法過吳州夜磬牛
頭寺春帆鷓尾洲折蘆波汎：持鉢路悠：途值軍
鋒滿時當王氣收邊塵蒙鳳輦戟火入龍樓塲黷逢
遷鼎間閑濟法舟緇衣空掩泣青蓋竟貽羞野瘞王
琳骨桁臬袁祭頭問誰歌玉樹遂尔扶金甌怨矣殷

頑事傷哉曾社謀已移劉氏臘空愴薛談謳石闕悲
三日金鳧哭一坏裁詩祠殺鬼續些弔靈修淚盡平
陵栢哀纏原廟楸自難忘舊德何敢賦幽憂徒下遺
民泣還來弋者求志原甘鼎鑊身遂落置罟割體非
歆利囊頭及比丘復輿何激烈岩棘屢呼囚豈是然
身誓應唾繞指柔恩仍赦桀布罪竟放驩兜空法原
無任窮荒任所投狼河塵漠：馬窟雨瀟：掃雪開
禪徑披沙問憤溝一乘馴鉄騎半偈化韋韜白雀飛
仍集青蠅弔可休半生遼海月几度朔邊秋已道禪
心淨寧增客思不大師勤囑累賤子却夷狄玉悔荆
人獻金疑直氏偷掇蜂方見惑飼虎遂蒙尤異域山千

疊孤生海一漚逝將歸法喜愧未息紛糾玉塞哀淹
泊珠林乞庇麻津梁疲燕雀在身世感蟪蛄願托傳衣
侶從公問白牛

送人從軍

刁斗聚嚴城高旗出五宮雪開金帳色沙亂鉄衣聲
磧斷山迴合軍孤戰死生開邊天子意何敢怨長征

贈秦州李生

從征老羗有功不叙

挽強天水客結髮屬幽并獨負雙鞬勇長隨五校營
功遺西麟閣力盡戰龍城惆悵日延壽平戎賞不行

陪諸公飲已大將軍宅

佳興南樓月正新森沈西第夜留賓圍爐捲幔初飛

雪擊劍行杯不起塵四座衣冠誰揖客一時參佐盡
文人褐衣久已慙珠履不敢狂歌吐錦茵

送人之羗突里兼柬陳子

朔風邊騎遊駿日落日沙場送客心負羽久從關外
戍吹笳空怨隴頭吟銅龍塞迥雲陰斷有銅龍長數尺許形模怪
偉偃卧江上土石馬山寒雪片深幕下只今誰健筆
人祀以為神飄零不復問陳琳

讀張坦公先生所撰徵音集却贈

一編遺事淚潺湲變徵聲中慘客顏轉戰幽并軍編
素側身梁楚路間閑丘墟敢咎王夷甫詞賦空哀庾
子山惆悵白頭荒徼客龍胡當日香雞攀

張坦公先生談甲申歲河北討賊之事感賦
風塵銅馬帝城昏痛哭孤臣出薊門俠客濮陽藏李
布義旗河朔奉劉琨烏號異代徒餘恨龍戰當時豈
報恩赤社既移終不復空憐心計盡中原賊捕公急
賴張蔡二
以俠士免

訓陳子長七夕見懷

毳幙寒生聽雁過一尊遙夜恨如何空憐令節催愁
切無那窮荒惜別多笛裏風霜哀朔塞橋邊杳杼望
明河淒淒白露松花水千里相思只浩歌

浚稽曲

浚稽山色青崔嵬翠蓋香輪夾道開天時銀河公主

第邊頭金帳單于臺烏孫千馬親呈聘鸞雛九女爭
來勝舊匹由來締賀蘭和親詎是因婁敬築館王庭
奉義成歲粧綠綬耀丹纓自有威儀尊鳳女特分湯
沐在龍城蛩、擅幕開行殿紫駝白豹窮歡宴金笳
激調劣吹簫珠帽流光罷遮扇從官新給羽林郎挾
彈鳴鞭繡轂倚旌飄蘭葉銀平脫馬簇桃花錦襖襦
射生女騎何輕利翠羽紅妝映天地窄袖鴉青綴北
珠輕鞞鴨綠裝西罽羌管秦箏晝夜喧貂袍三襲不
知溫自矜帝子金鄉貴不羨名王玉塞尊名王舊是
呼韓裔尚王中朝稱愛塔好獵頻微鳴鐃兒酣歌偏
惜琵琶伎琵琶小伎珊瑚脣歌舞朝、粉態新祭馬

每陪青海月射鵬常從雪山雲可敦嬌妒還猜忍同
昌無復犀蠟怎帳下總驚一騎來杯中已見雙蛾殞
短轅才下恨驅牛腸斷狂夫淚莫收自井髻面哀紅
袖不念同心歎白頭荆棘滿懷相決絕雙垂玉筋霑
襟血龍種寧同葱薤指燕飛欲作東西別妾意君情
各自流妃央文綵掩袞裯却分蕃部西樓去別是秋
風北渚愁黃沙深磧連天色可憐相望誰相憶千里
金河怨別離經年銀漢無消息八月穹廬白雪高玉
花寒枕夢魂勞敗珠何處求朱仲綠幘寧聞侍館陶
海西沙門術何秘白馬迎來布金地畏吾字譯貝多
經龜茲樂奏蓮花偈灼爍禪燈著曙明仙梵風飄夜

夜聲黃鵠歌中思故國青妃塔畔懺他生妝殿何心
理殘黛空王飯禮應憔悴已分猜嫌任狡童誰憐調
護勞諸妹弱妹盈、隔瀚源黃雲千騎擁朱軒判翼
每嗟鳶鳳侶回腸偏繫鵲錦原錦車銀磧何迢迢姊
姊相逢自銜涕為嘆姮娥奔月來却教須女駭星至
相勸殷勤向玉真莫將濁水怨清塵苦辛應憶回心
院嫵婉須諧結款人故人歡愛今從始五色羅襦織
連理重畫脩蛾待粉侯休吹別鳳悲簫史願作流蘇
結不開屠蘇雙勸合歡杯五部大人齊入賀萬年公
主竟歸來從此歡娛莫相棄上如青天下如地入貢
還脩子壻恩降嬪莫負先朝意伊昔先朝草昧

年旌旗北望阻柔然欲將玉女傾城色遠靖金戈絕
塞天絕塞西來平若水三朝屢訂施襟礼異錦葡萄
出帝家名駒首藉通遙市今上弥敦兄弟歡迎歸
旌節徧長安龍首貴宮中綺宴螭頭中禁並雕鞍千
秋天屬恩寧歌賜予年下雙闕沁水園中謠吹塵
祁連山下耀榆月耀逾寶幄映重貴主繁華樂未
窮莫道芳菲遠塞少春風弄玉在樓中

上已奉陪都統安公遊飲西山十韻

假日雕鞍出乘春綺饌開相要藉草去不見乘蘭來
五法元戎旆三重上已杯倚弓憑絕嶂吹笛俯高臺
野入蒼茫迴江連睥睨迴闌山消白雪城關鬱黃埃

愴恍餘寒在踟躕落景催殊方還令節久客且娛哀
共識分符貴徒慙入幕才公如寬禮數長願忝遊陪

贈陳生昭令

軟裘脩帶日翩翩管記風流擅朔邊趨府直登蘭綺
內賦詩時向射堂前陳琳筆健元名士丁掾才多自
少年譯罷石經還躍馬秋鷗原上試平原

昭令善
國書

又

弱年憐汝滯陰關回首南雲涕泗間每向詩書聞漢
語作漢語者惟漫從圖畫識閩山昭令閩人黃衫舊侶空
漂泊皂帽高人自往還猶有荔支鄉思在時歸向
夢中攀

同林生夜宿淨公房時林來自咸鏡

八月霜清塞草枯上方十里接平蕪客來海右譚之
菟僧本江東記赤烏幽咽蘆笳秋磧遠蕭條蘭若雪
峯孤夜深月出開清梵不信天涯有戰圖

送人還蒙古

松花江水寒如練七月吹霜滿郊甸行子三秋初憶
歸邊頭萬里今無戰君家部曲海西涯此去王庭路
正賒駝首山長通碎葉龍鱗川尽出流沙流沙天北
征途絕陰磧荒々欲飛雪馬色秋開羶帳雲鴈声晚
落金笳月黃貉之裘青兕羈具裝結束去翩々射生
知尔誇身手好佩醉弓事右賢

冬夜伍謀公齋同錢德惟作十韻

八間塵事屏溪晚華門幽笑共披裘侶言尋秉燭遊
倚闌霜乍濕捲幔月初流鄰火遠穿徑川冰迫映樓
玉繩寒歷々銀箭夜悠々佳設逢羊曼清詩得隱侯
未能依白社空自夢滄洲澹淡河如馮崢嶸歲欲道
嘯歌行寄傲情話坐忘憂寂々烏皮几橫琴共尔留

同陳昭令過西山蘭若十韻

禪房新雨後步屨暮山中落日精藍好遙煙積翠濛
枳籬崖半繞蘿磴逕微通汀樹收殘暑山鍾落晚風
樓開鳧渚北人到虎溪東虛牖飛珠瀑迴闌避石叢
藤陰簾捲入嵐氣坐來空作佛慚靈運安禪問朗公

幽期那可負佳趣偶然同月出綠溪去山：聞候蟲

與友人夜飲却贈

玉靶雕弓鉄衲襠從軍曾拜漢中郎未封燕領家先
破纔識龍顏國已亡終古恨深銀海月餘生夢老玉
關霜南朝舊事休回首濁酒明燈泣數行

送金譯使之朝鮮

真番天外與華同走馬看君使事雄獲菟鑿關通極
北句驪負海出安東魚鹽肯給邊人費冠服偏存漢
代風莫道好文矜此地尚煩重譯衛王宮平壤有衛
滿故宮

贈陳蓉旬

白石蒼苔小徑春飄：野服淨無塵知君名在遺民

社愛著陶家漉酒巾

又

無諸臺畔霸圖分幕府曾傳轉餉勲莫話永嘉南渡
事邊頭誰識舊參軍

又

石上丹經小篆文求仙早事紫陽君螢芝採罷心無
事独倚青嶼看白雲

再贈孔公

賓人昔下睢河東雙鞬騎象君最雄收兵屢出銅柱
外分麾欲建珠崖功白骨吁嗟徧原野百戰誰能留
漢社一夜軍声散鉄橋三年王氣收金馬間道崎嶇

西洱濱橫刀猶護屬車塵王孫無復餘三戶從者誰
憐只五人海水侵天不能渡碎君淚盡烏蠻路天邊
何處托王琳市上空傳失棄布漢祖由來故吠堯投
荒恩重頌興朝夢繞朱鳶鄉國遠路迷玄菟塞雲遙
南冠憔悴何人識賣畚時向城陌吐節寧看羝乳
時歸期敢憶烏頭白盡日蓬蒿坐掩門縞衣猶記舊
時恩何當更化蘇耽鶴萬里常依蜀帝魂

長白山

長白雄東北巖岷俯塞州迴臨滄海曙獨峙火荒秋
白雪橫千嶂青天瀉二流登封如可作應待翠華遊
上京城臨馬身河在寧古塔鎮城西南七十
里三殿基址皆在殿前有巨石臺國學

碑猶存教十字有天會年號禁城外有
蓮花石塔微向東教石佛高二丈許在
北塔之

完顏昔日開基處零落荒城對碧流
赭馬久迷征戰地黃龍曾作帝王州
荒榛臺殿邊陰暮殘燭河山海
氣秋寂寞霸圖誰更問哀笳處
起人愁遼乘楮白

擬唐人謝真人仙駕過舊山

真人冲舉後遺跡在青山雲壑何年別
飈輪此日還驚歌去天上鶴語問人間
殘竈丹猶伏虛壇草自斑徒悲蓬海變
獨對翠峯閒寄謝區中客駉螭詎可攀

送人之平遠

朝鮮屬道

沃沮南繞涓江遙雪棧霜林下使軺屬國敢愁征調
急行人應喜戰烟清麒麟石在山侵塞魚鼈梁開海
接遠誰道扶桑天外地兵威猶自話唐朝朝鮮人相傳
以迎朱蒙王二躡石而上遂乘之以天降麒麟焉
升天今平壤府東門外有麒麟石

王昭君

昭君巫峽女奉帚玉階下徒自恃傾城翻令悲遠嫁
前殿辭君去不還龍堆空望漢關山愁雲朔雪摧珠
袖淚入邊雲損玉顏玉顏明鏡看銷歌夢到深宮轉
淒咽下陳曾未識君王絕國何堪捐賤妾夜、擅穹
青海隅月明非復舊金鋪不知甲帳承恩者曾有蛾
眉勝妾無

夜宿

獨宿徂清夜淒其戎角長營開千帳月城壓萬山霜
我夢還魚鳥天心合虎狼莫將疇昔意歲晚怨龍荒

沙林同友人登完顏故臺

廢磴盤紆巖色迴與君登眺暫顏開單車絕塞雙蓬
鬢落日清秋萬古臺蕃劍擊殘歌自苦吳簫吹徧調
偏哀最憐酒半凭闌處蕭瑟江山只鴈來

會寧道中有古墟墓賦此弔之

落日孤鞍古戍邊殘碑下馬拂寒烟獨來玉劍埋魂
地愁聽金笳薄暮天搖落關山龍戰後蕭條城郭鶴
歸年邠連起塚凋殘盡荒外何人尚夜泉

送巴參領之挈洛

吹角鳴笳徹野聞，碧油麾蓋儼星分。
詔書特徙真珠部，使節先馳浴鉄群。
路繞黑江三丈雪，天圍白道萬山雲。
奚車雷騎三千帳，檄到爭看屬護軍。

三月廿二日河上口號

三月歸鴻滿塞天，流漸日暮尚淒然。
自從身逐烏龍戍，不識春風二十年。

奉贈封山使侍中對公

翩、貝帶，御香衣幾載，承恩在紫微銜。
詔暫從雙鳳出，奉車還倚六龍飛。
彤墀日月開仙仗，白岳雲霞護帝畿。
應是臣心長恋闕，夢魂頻向禁垣歸。

贈滇令已郎茶明德

回首岷峩限百蠻，羈離十載出兵間。
譙玄頭髮傷心白，杜宇鄉園戰血殷。
數口幸逃銅馬賊，一官空到碧雞山。
益州耆舊今餘幾，簾肆淒涼老未還。

又

錦城山色接昆明，猿鳥聲中戰鼓鳴。
自着白衣來間道，却垂黃綬逐行營。
崎嶇虎口心枕折，慟哭龍髯氣未平。
今夕一樽重話舊，瘴雲蠻樹不勝情。

又

閱盡干戈復塞門，完顏臺畔戍烟昏。
家沈浩劫疑兵解，君族姓干口皆死于賊免者。
身歷窮荒識主恩，惟同產二人及妻子而已。

乞活漫傷遷客賤寄書枕喜故人存
寄廬風雪天涯夢賜斷已猿挹淚痕

又

滄波一曲繞溪新移柳栽松托隱淪
王烈自成遼處士嚴遵元是蜀遺民
鶡冠送客風簾晚濁酒看山雪
磴春共道餘生疲戰伐杖藜聊復憇
遼塵

詠鷹徵鷹使者貢君座工作

玉爪凝殘雪金眸暎落暉可憐沙塞
駟欲傍翠華飛

奉贈大將軍已公

珠旗錦繖照吳鉤玉腕花廳金絡頭
立塞舊傳朱鷺曲彤庭新賜紫貂裘
磧開萬幕遼聲合境拓雙城戰

氣收欲画南宮誰第一功高独有冠軍侯

奉贈副帥薩公時專鎮寧古

彤墀詔下拜輕車千里雄藩獨建牙
共道伏波能許國應知驃騎不為家
星門晝靜無烽火雪海風清有
戎笳獨臂秋鷹飛鞚出指撝方馬獵平沙

繭虎追和梅村夫子

薰風收閭閻鉞神五日符懸辟厭新
不見赤刀傳粵咒還從綠勝識雄黃
衣綴就金仍蹙白額描來繡未
真莫訝使君能化虎繭絲元是負嶠身

養鶴

玲瓏玉骨倚風疎莫向綸竿怨豫且
散雪豈能伴皎

鶴凌雲何意起枯魚身餘刀俎腥犹在寵待軒墀翅
自舒誰道波臣非羽駕琴高赤鯉亦騰虛

蟬猴

自許孤高飲露盤求淋誰作野賓者只憐風外吟枝
穩那識雲邊嘯侶寒無口詎需巴客淚有綏疑著楚
人冠君身可是絲供奉一賜金蠅認欲難

贈陳昭令

葉：紫貂衣秋風錦鞵飛長圍不肯入獨臂海青歸

又

欲逐孤蹤去回鞭萬仞岡笑携雙白羽射殺兩青狼

現獵贈陳昭令

颯：旌竿雪未休弓聲霹靂徧林立馬嘶秋草搖珠
勒鵬掠寒雲下錦鞵挾彈自矜文士健揮鞭不逐漢
兒遊少年樂事南山獵誰羨家声曲逆侯

獵後再贈昭令

金笳馬上北風哀獵罷爭傳鸚鵡杯愛射黃羊重挿
羽欲呼蒼隼却登臺邊雲壓地霜旌捲營火連山雪
帳開明日沙林還逐兔酒酣更起刷龍媒

都統郎公奉使塞外賦此奉贈

清秋驛路淨氛埃落日鳴笳使者來早拜千牛陪鳳
輦新驅駟馬出龍堆旌飛楊柳城陰晚帳擁芙蓉劍
色開多少冰天遷客淚待君歸奏建章臺

又

柷弓斜月綠弦鳴
珠服如星照玉纓
穿禁久分中貴寵
趨朝爭識小侯名
每調生馬期門出
獨鞍輕鷗傷輦行
知尔羽林誇健手
肯教弛射數邊城

送人之鴨青江

蘆管淒涼鴻鴈天
北風空磧暮蒼然
鴨青江畔重移帳
回首沙場又十年

送陳昭令之兀喇十韻

野館驪歌咽晴郊
騎置行悽心者往
路屈指問嚴程
曉帳羶墻重春衣
錦帶輕雲峯馬上
出雪澗鳥邊明林閣
貂餘跡江空雁度
聲年光寒食近邊
色旅愁盈

揚葉遙分塞松花
曲抱城寧同隴頭
別早擅幕中名
露布推書記風流
想步兵不知驚坐
客何似棄儒生

春暮江上凍解同諸君放舟至白崖口賦示

十韻

晶：流漸尽悠：放艇孤驚心
惟節序遊目且江湖
鳧鴈光初汎魚龍氣欲蘇
青春生水際丹景豁天隅
瀨淺聽偏響波平望或無
不知風帆駛帆一作去声杜詩浦帆晨
初祇訝雪峰趨旅眺還增歎
江謳亦自娛人應尋弋釣
家本在菰蘆浩蕩滄洲思
艱危絕塞軀莫令悲負羽
從此問乘桴

奉寄安大將軍二十韻

同錢德惟作公以寧古副帥擢鎮奉天

今日須頗牧維公翊禹湯九重頌虎節萬里拜龍驤
自北雄天府居東本帝鄉官因留守重才是折衝
長銅獸中軍法金貂襲御香權兼趙京兆威著杜

當陽開幕珠旗月行邊鐵騎霜令嚴師自肅政簡物

皆康坐運中黃策行消太白芒士心依大樹海氣淨

扶桑舊內虛鳩鵲新城扼鳳皇鳳皇城在鴨綠江上遼之南境也

直令三輔謚邠用五兵張營有蔓菁種車無薏苡裝

每嗤卿食雁不入馬如羊澆俗潛應改仁風邈已翔

丹青應早画赤白遂空囊籍甚功書竹懷哉淚染裳

寇君寧復借賈父耿難忘途遠重關外心悽昔座傍

揖容長孺倨哭怒嗣宗狂一別頻玄燕千山限白狼

尚思乘月嘯久罷卷波觴衣敝鷄雙挽書騰雁幾行

報恩腮未曝述德臆偏傷窮鳥哀元叔無魚憶孟嘗

何時射柳騎重過浣花堂公望方調鼎予生且賣漿

沛宮雲正紫遠隧草初黃努力登三事從容靖四方

誰知擊壤代有容慟龍荒

寄顧梁汾舍人三十韻

昔歲家吳會諸公問越盟逢君髮未燥入座目俱成
倒屣才名早披襟意氣傾高文何策、雅論各觥、
攜手慙連壁同心喜報瓊時邀山館醉每愛水樓晴
夜月褰珠箔春風啟繡楹花迴青翰小柳繫綠駿輕
麗曲能調管新詩即譜箏漏隨銅史促杯為玉人擎

但認愁生誕那知許邵評譽方推二妙語不數三
往事星霜改新愁閑塞縈予悲玄朔楠汝謝赤墀櫻
老去餘華髮書來自素誠恨：詢謫成歎：話平生
跪讀烹魚字悲吟別鵠聲風流如在眼雨泣颯緣纓
末契嗟何托良傳嘆莫并栖遲成北叟浩蕩寄東瀛
暮齒家何在窮荒歲屢更將同温序幸似宋人盲
軍府以予短視特免田租世事隨殊俗生涯共老僮晉龍徒奮采
鷓鴣恐先鳴漫說遙揚意前歲詩中對公以予呈偏難
召少卿舊遊憐轉燭今賦愴聞笙舞鶴鄜邊水和龍
塞外城三秋空漠、萬里獨怛、道遠懷瓊樹宵長
望玉衡如蒙子公力終到漢西京

雜感

甌脫蕭條塞路微阿疎城畔柳依依、邊開駝鹿山初
鑿江到牛魚嶺漸稀戰士中宵看垓火米船六月寄
征衣冰霜今歲寒應早屈指諸軍解甲歸每歲出師
部至七月中河冰將合乃歸

又

娥：紅粉暎邊霜細馬豐貂滿路光朱幕漫傳翁主
號黃眉爭識內家妝空憐拂鏡凝花態莫為無禪笑
粉印千載奉春遺策在玉顏那更怨龍荒時以婦女
首領邊人謬以稱稱
之其俗男女皆不着禪又

秋風吹磧起鳴鵙磧路西迴限二遶鴉鷓廢闕仍抱
塞鴛鴦殘深不通潮千年城闕人誰識百戰河山世
已遙窮傲可憐無故老難將遺碣認前朝

讀古人詩有感

山川滿目恨滄桑撫舊悲歎淚幾行翟義豈能存漢
祚貫高原不負張王朱鳶別後非吾土白馬歸時是
國殤寂寞天涯今夜月大招何處問瀟湘

混同江

混同江水白山來千里奔流晝夜雷襟帶北庭穿磧
下動松東極蹴天迴部餘右若雄風在地是金源霸
業開欲問魚頭高燕處蕭條遺堞暮潮哀

擬唐人御溝新柳

春光開上路柳色吐韶年掩映金溝遠參差玉道連
倚風條尚細覆水影初圓輕翠銷宮雪微黃嬾禁烟
画眉空自好學舞欲呈妍倘得承攀折依、翠輦前

贈陳蓉旬十韻

昔爾採玄籙尋真向赤城已窺三景秘欲掩八公名
家本陳安世師逢竇子明顏依金甕駐身度玉壺輕
翠水餐霞住鴻天馭月行閭年枝不汗卻老樹驚精
方術誰同傳仙才自屬卿好將山石煮莫歎海塵生
去、憑緞杖纂、度鳳笙洪厓如可拍直欲上瑤京

即公將還京師賦此奉送

西風吹雁滿關山
愁見蕭蕭四牡還
橫笛清秋紫塞客
恨衰楊明日為君攀
紫臺霜露催征騎
丹闕星河啟曙班
極目長安天際遠
離心空望五雲間

此冊已刊袖珍本定名秋如前全集
嘉慶十六年四月葉志說記



